



Contexta sing libri

- |       |   |                        |
|-------|---|------------------------|
| I.    | Explicatio ps. 16. de pas. morte, d. n. J. C. An. 1523. | Lutp. Be.<br>Westphal. |
| II.   | De casta Augustini glauis de S. Carra                   |                        |
| III.  | Johes Predigt von Drei o Suelt. (An. 1554.              |                        |
|       | Anderen von S. Cathedini An. 1562                       |                        |
| IV.   | Ein sonne Brief N. in Dertelhard Uval,                  |                        |
|       | gegen die Predigt de S. Carra, An. 57.                  |                        |
| V.    | Warnung D. Luthers an sein L. Reich An. 47.             | Stuapbr.               |
| VI.   | ps. 36. außgedr. An. 1540.                              | Lutheo                 |
| VII.  | ps. 127. An die Brief In Liga An. 1524                  | M. And. Ein            |
| VIII. | Ein Warnung von dem L. fuchs - 36                       | Lutheo                 |
| IX.   | Kurzberühmte An Warnung die Johan. Leben                |                        |
|       | An. 1589.   | bs. Melan              |

Sammelband

C. M. B.  
123



J. 8.

Ewigbreuchliche:

**Neue Tharspredigt:**

Luce 2. Von Himmellischer Engels-  
burgk/ Psal: 30. In welcher / durch Gottes Wort/  
Frag vnd Antwort/ gelehret vnd erkleret wird/ Was alle Be-  
tauffte vñ Bleubige Christen/ von ihrer teglichen guten  
vnd heiligen ENGEL Herkommen /  
Dienst vnd Schuß / wissen vnd  
glauben sollen.



Ganzer Christenheit/ zum Ewigwerenden Engels  
vnd Glaubens TROST erbawet / Vnd in  
öffentlichem Druck gegeben:  
Durch

**Johannem Erbenium von  
Weymar.**

Pfal. 34.

Der Engel des HERRN lagert sich vmb die  
Christen her/ die Gott den HERRN von herzen vnd  
glauben lieben/ehren / vnd fürchten.

---

M. D. LXXIX.



Erwählung:

Der Herr Bischof

hat zu dem Zweck  
des Aufbaus der Kirche  
ein Vermögen  
zu dem Zweck  
des Aufbaus der Kirche  
zu dem Zweck  
des Aufbaus der Kirche  
zu dem Zweck  
des Aufbaus der Kirche

Der Herr Bischof  
hat zu dem Zweck  
des Aufbaus der Kirche  
ein Vermögen  
zu dem Zweck  
des Aufbaus der Kirche  
zu dem Zweck  
des Aufbaus der Kirche

Der Herr Bischof

Der Herr Bischof  
hat zu dem Zweck  
des Aufbaus der Kirche  
ein Vermögen  
zu dem Zweck  
des Aufbaus der Kirche  
zu dem Zweck  
des Aufbaus der Kirche

M. D. LXXIX.





Den Durchlauchti-  
ge / Hochgebornen Fürsten vnd Herren/  
Herren Wolff / vnd Herren Philips / Gebrüder/  
Herzogen zu Braunschweig vnd Lüneburgk /  
meinen Gnedigen Herren.

Gottes Gnade / Ewigwerendes Neues Jahr/  
Engelischer Schutz / Mein herzlich Gebet / vnd  
Christvermügliche Dienst / E. F. G. zuvor :



Durchlauchti-  
ge / Hochgeborne Für-  
sten / Gnedige Herren / Was  
ganzte Getauffte vnd Glei-  
bige Christenheit / von jr teg-  
lichen dienenden guten vnd  
heiligen ENGEL Herkö-  
men / Dienst / Schutz vnd Schirm / wissen vnd gleu-  
ben sollen / Dasselbige alles / habe vnder E. F. G.  
Christ vñ Fürstlöblichen Namen / ganzer Christen-  
heit / durch Gottes Wort / Frage vnd Antwort / ich  
in öffentlichen Druck geben : E. F. G. Demütig  
A ij vnd Christ,



## Vorrede.

und Christlich bitte / E. F. G. wöllen solche aus  
Gottes Wort erbarwete Himmellische ENGEL S.  
BURG / und mein person / ihrem Fürstlichen  
schutz und schirm / Gnedig befohlen sein lassen / Das  
wird vnser frommer GOTT / durch seinen Gött-  
lichen und Engellischen schutz und schirm / E. F. G.  
mit langwierigem Fürstlichen Leben / und Ewiger  
Seligkeit erstatten / und hie zeitlich / vñ dort in ewig-  
keit / mit seinem Göttlichen und Engellischen schutz  
und schirm / bey E. F. G. wohnen und bleiben /  
Amen. Gestalt am Trostreichen Tage / der Ge-  
burt IESV CHRISTI / vnser lieben Selig-  
machers / im Tausent / Fünff Hundert / Achtzig und  
Neunden Ihar.

E. F. G.  
allezeit

Demütiger und Christo-  
williger Diener :

Ioannes Erbenius von Wey-  
mar / Keiner Lehr und bestendi-  
ger Confession beruffen Prediger.



Himmellische Engelsburgk.

## Trost beschreibung:

Der ENGEL des HErrn/ Psalm. 34.  
Ist bey vns Christen gern. Heb. 1.  
Vnd behütt vns auff allen wegen/ Psalm. 91.  
Für aller bösen Engel vnd Menschen anschlegen.  
Vnd steht bey vns in aller not/ Dan. 3. (Math. 4.  
Vnd füret vns ins leben/ aus dem Todt. Lu. 16. 23.

Vnd folget darauff/ in Gottes Namen / Erbauete  
Himmellische Engelsburgk.

Christ.

**W**elcher Gott hat gantzer Christenheit/ tegliche  
dienende gute vnd heilige ENGEL  
geschaffen?

Engel.

Dasselbige hat GOTT Vater/ Sohn/ vnd heiliger  
Geist gethan/ Gen. 1. et 2. Psalm. 104.

Engel.

Zu welcher zeit vnd stunden/ ist diese Engellische  
Erschaffung geschehen?

Christ.

Zu der zeit vnd stunden/ ehe der Mensch geschaffen war/  
Gen. 2. Et Psal. 104.

A iij

Christ.



## Himmellische Engelsburgk.

Christ.

Warumb/ vnd aus was vrsachen/ ist solche Engels-  
liche Erschaffung geschehen?

Engel.

Erstlich/ zu Gott der heiligen DREYfaltigkeit Ewigen lob/  
ehr vnd preiß/ Esa. 6. Vnd endlichen zu Ganser Bes-  
taufften vnd Gleubigen Christenheit Dienst/ Trost/ Schutz  
vnd Schirm/ Psalm. 34. 9). Et Dan. 3.

Engel.

Welches seind im Himmel / vnd hie auff Erden / die  
Edelsten vnd schönsten CREATVREN / daran  
Gott die heilige Dreyfaltigkeit / ewige  
frewde vnd wolgefallen hat?

Christ.

Im Himmel seind es ganser Christenheit tegliche dies-  
nende/ gute vnd heilige ENGEL / Esa. 6. Vnd hier  
auff Erden / Wir getauffte vnd gleubige Christen / Matth.  
et Mar. ultimo.

Christ.

Bey wem vnd welcher Creaturen / haben vnser teg-  
lich dienende heilige gute Engel / ihre  
Wohnung?

Engel.

Bey vns getaufften vnd gleubigen Christen / die wir vns-  
ser Tauff/ Beruff vnd Ampt / zu Gottes Ehr / Dienst dem  
Nechsten/ Vnd Beförderung der Säligkeit / trewlich aus-  
richten/ Matth. 6. 7. et 22.

Engel.



## Himmelische Engelsburgk.

Engel.

Wie lange haben vnser TEGlich dienende heilige gute Engel / ihre Wohnung bey vns?

Christ.

Von anfang vnser seligmachenden Tauffe / hie zeitlich / Matth. 4. Vnd demnach in Ewigkeit / Luc. 16. et 23.

Christ.

Daben wir Christen / vnd gantze Christenheit / in heiliger Schrift / auch Trost / vnd Glaubens Exempel / das vnser dienende heilige gute Engel / in allen Nöthen bey vns stehen?

Engel.

Ja: Trostschrift / vnd Glaubens Exempel.

Engel.

Wo / vnd an welchem orth / Trostschrift?

Christ.

Im andern Buch Mosi / am 14. vnd 23. Cap. In welchem Gott der Herr / zu allen Christen saget: Sihe / Ich sende meinen Engel für dir her / der dich auff deinem wege behüte / Psal. 91. Matth. 4.

Christ.

Wo / vnd an welchem orth / Trost vnd Glaubens Exempel?

Engel.

Im Pros



## Himmellische Engelsburgk.

Im Propheten Daniel / am 3. Cap. steht geschrieben /  
Das vnser frommer G D E E / durch seinen Trost vnd  
Schutz Engel / im heissen Fenerofen / die Drey Männer /  
Nemlich: Sadrach / Mesah / vnd Abednego / tröst / vnd ihr  
Leib vnd Leben vnuersehret erhalten hat. Vnd im Newen  
Testament / steht Lu. am 22. Cap. geschrieben: Das vnser  
frommer G D E E / am Delberge / seinem lieben Sohn Ihesu  
Christo / vnserm Seligmacher / im Gebet / ein Trost Engel  
gesandt: Von solchen vnd andern Trost vnd Glaubens  
Exempeln / liess weiter / Gen. 31. Tob. 5. Josua 15. Jud. 6.  
Tob. 5. Jud. 13. Baru: 6. Dan. 6. et Luc. 2.

### Engel.

Wenn / vnd zu welcher Zeit vnd Stunden / weichen  
vnser Tägliche dienende heilige gute  
Engel von vns?

### Christ.

Zu der zeit vnd stunden / Wenn wir vnser Tauff / Bes  
ruff / Ampt / vnd armen Nächsten / verlassen / vnd in Worten /  
thaten vnd wercken / wie der Reiche Mann / ein verdamlichs  
Leben führen / Luc. 16.

### Christ.

Wenn / vnd zu welcher zeit vnd stunden / Kommen  
vnser täglich dienende heilige gute Engel /  
widerumb zu vns?

### Engel.

Zu der zeit vnd stunden / Wenn wir von herken vnd  
glauben / mit Adam / Dauid / Petro / vnd verloren Sohn /  
ware Busse thun / Vnd im rechten / waren Glauben / vnser  
Beruff



## Himmellische Engelsburgk.

Beruff vnd Ampt / zu Gottes Ehr / Dienst den Nächsten /  
Vnd Beförderung der Säligkeit / treulich vnd fleissig aus-  
richten / Matth. 6. 7. et 22. Vnd vber diss alles / im Ses-  
ligmachenden Glauben / von dieser bösen Welt abscheiden /  
Luc. 2. et 23. Vnd heist im Glaubens Trost allezeit also :

Wenn vnser Gott vnd Engel bey vns ist / Rom. 8. Et  
Psalm. 34.

So mus vns nicht schaden Welt vnd Teuffels list. Jo-  
an. 16. et Matth. 4.

Vnd wenn wir vnsern Beruff ausrichten / zu Gottes  
Ehr / Luc. 2.

So ist bey vns vnser Engel / vnd Gott der H E R R /  
Psalm. 91.

Vnd helffen vns aus aller Noth / Dan. 3.

Vnserm Leibe hier / vnd vnser Seelen dort / Luc. 16.  
Et 23.

### Engel.

Was seind / im Regentheil / vnser abgefagte Fein-  
de / die Bösen Engel / für  
Geister ?

### Christ.

Es seind solche Creaturen / die im anfang / von Gott  
dem Herren / G V T geschaffen sein / Gen. 2. Sie aber  
haben ihre Fürstenthumb nicht behalten / Sondern seind  
von G O T T dem H E R R / Vnsern heiligen guten En-  
geln / Vnd vns Christen / abgefallen / Vnd seind zu Bösen  
Geistern / Teuffeln / Mördern vnd Dieben worden / Gen.  
3. Joan. 8. et 1. Pet. 5.

W Christ,



Himmellische Engelsburgk.

Christ.

Was ist der Teuffel für ein Gott vnd Herr?

Engel.

Er ist ein Gott/Fürst/Herr vnd König / aller Vnglaubigen Völcker/ Job 14. Ioan. 8. 12. 14. 16. 2. Cor. 4. Ephe. 2. et 6. Vnd tracht/ohn vnterlaß / nach schaden vnd verderb der Menschen/ Gen. 3. Zach. 3. Matth. 4. 8. 13. Luc. 8. 13. 22. 2. Cor. 4.

Engel.

Von welchem Gott vnd Herrn/hat der Teuffel seine Gewalt?

Christ.

Von Gott dem Allmechtigen/ 3. Reg. 22. Job 1. 2. Matth. 8. Marc. 5. Ephe. 2. Et 2. Timoth. 2.

Christ.

Durch welchen Gott vnd Herrn/ verlenst der Teuffel seine Gewalt?

Engel.

Durch Ihesum Christum / waren Gottes vnd waren Sohn/ vnsern Schlangen Tretter/vñ Seligmacher/ Gen. 3. Et Ioan. 3.

Engel.

Was ist hie auff Erden / aller Bösen Geister vnd Menschen / vorhaben vnd werck?

Christ.

In ganz



## Himmellische Engelsburgk.

In ganzer Christenheit / in allen Weltlichen vnd Geists  
lichen Ständen / alles VBEL vnd Vnglück anrichten /  
Gen. 3. Job 1. 2.

### Christ.

Warumb / vnd aus was Ursachen / gibt vnser  
frommer Gott / dem Bösen Geist /  
vnd allen seinen Dienern / sol  
che Gewalt ?

### Engel.

Erstlich : Geschicht solches / vmb vnser begangen Sün  
den / vnd Vndanckbarkeit willen / Luc. 19. Zum Andern /  
Zur Proba vnser Christenthums vnd Glaubens / Ioan.  
16. Vnd endlich darumb / Das an vns / gleich wie an  
Christo vnd Hiob / alle Teuffel / vnd Böse Menschen / zu  
schanden werden / Psalm. 110. et Ioan. 16.

### Engel.

Mit was Wehr vnd Wappen / sollen wir Christen /  
vnd gantze Christenheit / wider alle Teuf  
fel / vnd Böse Menschen / streit  
ten vnd fechten ?

### Christ.

Mit Gottes allein Trostreichen vnd Seligmachenden  
VVORT / Ephe. 6.

### Christ.

Wie heist Gottes allein Trostreich / vnd Allein Sel  
ligmachendt Wort ?

### Engel.

W i s      D e r   S a t



### Himmellische Engelsburgk.

Der Same des Weibes / wird der Schlangen den  
Kopff zertretten / Gene. 3. Vnd eine Feste Burgk ist vnser  
Gott / Psalm. 46.

Engel.

Wer ist des Weibes Samen / vnd vnser  
Feste Burgk?

Christ.

Ihesus Christus / warer Gottes vnd Marien Sohn/  
Empfangen vom heiligen Geist / Vnd geborn aus Maria/  
der Jungfrawen / Esa. 7. Luc. 2.

Christ.

Wer ist die Alte Schlange?

Engel.

Sathan / mit seinem ganken hellischen Reich / Gene.  
3. et Luc. 11.

Engel.

Was ist des Teuffels Kopff?

Christ.

Teuffel / Welt / Sünde / Krankheit / Tode / Hell vnd  
Verdamniß / Gene. 3. Rom. 5. 1. Cor. 15. Et Matth.  
25.

Christ.

Wer ist in allen Leibes vnd Seelen Nöthen / aller  
Christen / vnd gantzer Christens  
heit / Trost / Schutz vnd  
Schirm?

Engel.

Ihesus



## Himmellische Engelsburgk.

Ihesus Christus / warer Gottes vnd Marien Sohn /  
der HERR Zebaoth / welcher 5550. Jhar / seine liebe Chris-  
ten / vnd ganze Christenheit / durch seine / vnd vnser heilige  
gute Engel / vor aller Teuffel / Jüden / Türcken / Päpste /  
Bischoff / Jesuiten / Sacramentschwermer / Tyrannen / vnd  
Falschen Munde Christen / Gewalt vnd Verfolgung / er-  
halten vnd beschützet hat / Vnd von diesem tage an / biss auff  
den Jüngsten Tag / seine liebe Christen / vnd ganze Christen-  
heit / erhalten vnd beschirmen wil / Psalm. 91. Et Jaon. 16.

Engel.

Waben wir Christen / vnd gantze Christenheit / sol-  
ches Göttlichen vnd Engellischen Trosts / Schutz  
vnd Schirms / in Göttlicher Schrift / auch  
Schrift / vnd Glaubens Exempel ?

Christ.

Ja: Gewiss / Schrift vnd Exempel.

Christ.

Wo / vnd an welchem orth / Schrift vnd  
Glaubens Exempel ?

Engel.

Also steht im 91. Psalmen geschrieben: Ich / spricht  
Gott der HERR / bin bey dir in der Noth / Ich will  
dich heraus reissen / vnd zu Ehren machen. Vnd also ste-  
het im Propheten Daniel / am 6. Cap. geschrieben / Das  
vnser frommer Gott / durch seinen ENGEL / den Pro-  
pheten Daniel / mitten vnter den Lawen erhalten hat. Vnd  
im Lager der Assirier / durch seinen ENGEL / Hundert  
vnd Fünff vnd Aehzig Tausent Mann / todt geschlagen.

B iij

Vnd



## Himmellische Engelsburgk.

Vnd vber dis vns / vnd ganze Christenheit / von anfang bis  
heuttigen Tag / wider aller Teuffel / vnd Bösen Menschen /  
vorneimen vnd gewalt / gnediglich vnd väterlich / erhalten vnd  
beschirmet hat.

## Christenheit.

Darumb lasset vns / Abends vnd Morgends /  
aus Herzen vnd Glauben / Beten: vnd Singen /  
Ein Feste Burgk ist vnser **GOTT**. Christ  
der du bist der helle Tagk. Vnd: Erhalt vns  
**HER** bey deinem **WORT**. Vnd befihl  
deinem Engel / das er kom / Vnd vns bewach  
dein Eigenthum / Vnd gib vns deine liebe  
Bechterlein zu / Das wir fürm Sa  
than haben rhu / Amen /  
Amen / Amen.







Gedruckt zu Erfurdt /  
durch Georgium Sawman /  
auff dem Bischofsmarckt.







Faint, illegible text, possibly a title or publisher's name, centered on the page.














4  
Jd 4075 2

ULB Halle 3  
003 904 776  





1 na







*J. 8*  
Ewigbreuchliche:

## Neue Tharspredigt:

Luce 2. Von Himmellischer Engels-  
burgk/ Psal: 30. In welcher / durch Gottes Wort/  
Frag vnd Antwort/ gelehret vnd erkleret wird/ Was alle Ge-  
tauffte vñ Bleubige Christen/ von ihrer teglichen guten  
vnd heiligen ENGEL Herkommen /  
Dienst vnd Schuß / wissen vnd  
glauben sollen.



Ganzer Christenheit/ zum Ewigwerenden Engels  
vnd Glaubens TROST erbawet / Vnd in  
öffentlichem Druck gegeben:  
Durch

Johannem Erbenium von  
Weymar.

Pfal. 34.

Der Engel des HERRN lagert sich omb die  
Christen her/ die Gott den HERRN von hertzen vnd  
glauben lieben/ehren / vnd fürchten.

---

M. D. LXXIX.